

Tryggvi Magnús Þórðarson

Reykjavík, 20. júní 2022
UST202205-303/P.V.B.
09.07.01

Efni: Umsókn um leyfi fyrir rallykeppni- Fjallabak

Umhverfisstofnun hefur mótttekið umsókn Tryggva Magnús Þórðarsonar, dagsett 23. maí 2022 um leyfi til að halda rallykeppni innan friðlandsins að Fjallabaki.

Friðlandið að Fjallabaki er friðlýst sbr. auglýsing nr. 354/1979. Mannvirkjagerð, efnistaka og annað jarðrask innan friðlandsins er óheimilt nema með leyfi Umhverfisstofnunar. Samkvæmt stjórnunar- og verndaráætlun svæðisins er óheimilt að fljúga fjarstýrðum loftförum (dróna) innan friðlandsins á tímabilinu 15. júní – 15. september nema að fengnu leyfi Umhverfisstofnunar. Samkvæmt stjórnunar og verndaráætlun friðlandsins eru athafnir sem geta haft áhrif á friðlandið s.s. jarðrask, mengun vegna úrgangs eða fráveitna, áhrif á loftgæði, ásýnd svæðis eða hefur áhrif á umferð og/eða upplifun annara gesta er óheimil nema að fengnu leyfi Umhverfisstofnunar.

Lýsing verkefnis:

Sótt er um leyfi til að halda rallykeppni innan friðlandsins á Fjallabaki þann 7. ágúst 2022. Keyrðar verða tvær sérleiðir sem munu fara að hluta til í gegnum friðlandið. Ekki er gert ráð fyrir þjónustusvæði fyrir keppnisbifreiðar eða annari aðstöðu innan friðlandsins. Merkingar um lokanir vega verða settar niður 7-10 dögum fyrir keppni. Stikur verða settar niður við hættulega staði allt að viku áður en keppnin fer fram en merkingar verða festar á stikurnar 4-6 tímum áður en keppni hefst. Á gatnamótum verður starfsfólk sem mun beina keppendum rétta leið. Verða þeir komir á staðinn 1-2 klst. áður en keppni hefst. Áætlað er að keppendur komi inn í friðlandið 6:45 og yfirgefi það kl 11:12. Umferð verður hleypt inn á veginum um leið og eftirfari hefur keyrt fram hjá. Hámarksfjöldi keppnisbifreiða eru 20 bílar. Áætlað er að frágangi á svæðinu verði lokið í seinasta lagi þriðjudaginn 9. ágúst 2022. Verða þá fjarlægðar þær merkingar sem eftir var að taka niður og rakað yfir hjólför ef för eru meðfram veginum í beygjum. Ljósmyndarara og blaðamenn þurfa að tilkynna keppnishöldurum hvar þeir verða staðsettir.

Áhrifamat:

Umhverfisstofnun metur verkefni ekki líklegt til að hafa neikvæð áhrif á náttúrufar og verndargildi svæðisins til lengri tíma litið sé farið eftir skilyrðum leyfisins. Umsækjandi hefur lagt fram áætlun um hvernig hægt sé að takmarka neikvæð áhrif keppninar á náttúrufar og koma í veg fyrir slys og náttúruspjöll. Keppnin gæti haft áhrif á upplifun gesta svæðisins rétt á meðan keppnin fer fram en með góðri upplýsingagjöf um tímasetningar lokana telur stofnunninn að hægt sé að takmarka áhrifinn.

Skilyrði:

Umhverfisstofnun veitir Tryggva Magnúsi Þórðarsyni fyrir sitt leyti leyfi fyrir rallykeppni innan Friðlandsins að Fjallabaki sbr. lýsingu hér að ofan þann 7. ágúst 2022 að uppfylltum eftirfarandi skilyrðum:

- Stjórnendur rallykeppninar skili til Umhverfisstofnunar, a.m.k. viku áður en keppni hefst, áætlun um það hvernig staðið verði að framkvæmd keppninnar. Í áætlun skal m.a. koma fram, fjöldi þátttakenda, hvernig staðið verður að lokunum og hvernig staðið verði að frágangi að viðburði loknum.
- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti tveggja sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Einungis skal ekið eftir vegum í tenglum við keppnina. Heimilt er að leggja vélknúnum ökutækjum **bílbreidd frá vegi** ef það veldur ekki náttúruspjöllum eða slysa-hættu, þó þannig að samræmist ákvæðum umferðarlaga og fyrirmælum yfirvalda um umferðaröryggi sbr 1. mgr. 31. gr. laga nr. 60/2013 um náttúruvernd. Fjarlægja skal öll ummerki um lagningu ökutækisins um leið og það yfirgefur svæðið.
- Þjónustubifreiðar verði ekki innan friðlandsins og að öll eldsneytistaka, dekkjaskipting o.fl. fari fram í samræmi við keppnisreglur.
- Afmá skal öll ummerki um keppnina og merkingar að henni lokinn.
- Virða skal umgengnisreglur sem gilda um svæðið.
- Auglýsa skal rallykeppnina vel og upplýsa gesti á svæðinu að um lokanir vega með góðum fyrirvara.
- Takmarka skal lokunartíma vega eins og kostur er.
- Stjórnendur og starfsmenn rallyins skulu vera í merktum fatnaði.
- Stjórnendur viðburðarins upplýsi þátttakendur um mikilvægi þess að halda sig á akstursleið til að koma í veg fyrir rask á viðkvæmum gróðri og jarðminjum.
- Upplýsa skal ljósmyndara og aðra sem koma á svæðið til að fylgjast með keppninni að óheimilt sé að keyra utan vega og vísa þeim á góða útsýnisstaði í samráði við landverði.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.
- Gæta skal að mengunarvörnum farartækja og þess gætt að mengandi vökvi berist ekki í jarðveg/vatn.
- Fara skal vel yfir viðbragð gegn olúleka með keppendum. Fari svo að olía eða aðrir mengandi vökvar leki frá bifreiðunum skal hún hreinsuð upp eins fljótt og auðið er.
- Allur akstur utan vega er bannaður.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags gæti þurft fyrir verkefninu.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Umhverfisstofnun bendir á að samkvæmt 1. mgr. 90. gr laga nr. 60/2013 um náttúruvernd varðar það mann sektum eða fangelsi allt að tveimur árum ef: a. hann framkvæmir eða aðhefst í heimildarleysi nokkuð það sem leyfis eða undanþágu er krafist til samkvæmt lögum þessum eða stjórnvaldsfyrirmælum settum á grundvelli þeirra, b. hann brýtur ákvæði ... 1) 1. mgr. 28. gr., 31. gr., 4. mgr. 38. gr., 62. gr., 71. gr. eða 72. gr. eða stjórnvaldsfyrirmæli sett á grundvelli þeirra.

Ákvörðunin er kæránleg til umhverfis og auðlindaráðuneytisins skv. 26. gr. stjórnsýslulaga nr. 37/1993, sbr. 2. mgr. 91. gr. náttúruverndarlaga nr. 60/2013 innan þriggja mánaða frá dagsetningu þessa bréfs.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Kristín Ósk Jónasdóttir
teymisstjóri

Hákon Ásgeirsson
svæðissérfræðingur